

27 դեկտեմբերի 2012 թվականի N 1689 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱ-
ԿԱՆԻ ՓԵՏՐՎԱՐԻ 2-Ի N 249-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Հայաստանի Հանրապետության կառավարությունը **ո ր ո շ մ ան է.**

1. Հայաստանի Հանրապետության կառավարության 2006 թվականի փետրվարի 2-ի «Փրկարարական ծառայության համազգեստի ձևը, տալու կարգը և օգտագործման ժամկետները սահմանելու մասին» N 249-Ն որոշման մեջ կատարել հետևյալ լրացումները և փոփոխությունները՝

1) որոշման N 1 հավելվածում՝

ա. 1-ին կետը «Փրդեհային» բառից հետո լրացնել «և տեխնիկական անվտանգության» բառերով,

բ. հավելվածը լրացնել հետևյալ բովանդակությամբ նոր՝ 2.3.1-ին կետով.

«2.3.1. Ձմեռային գլխարկ (փրկարարական ծառայության բարձրագույն խմբի պաշտոն զբաղեցնող ծառայողների համար)

Մուգ կապույտ գույնի, կարակուլե, ճակատային մասում ամրացվում է Հայաստանի Հանրապետության զինանշանը»,

գ. 2.5-րդ կետում «Դեղին» բառը փոխարինել «կապույտ» բառով,

դ. 3-րդ գլուխը շարադրել հետևյալ խմբագրությամբ.

«II. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԳՆԴԱՊԵՏԻՑ ՄԻՆՉԵՎ
ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԵՆԹԱՄՊԱ ԿՈՉՈՒՄ ՈՒՆԵՑՈՂ
ԾԱՌԱՅՈՂՆԵՐԻ ՏՈՆԱԿԱՆ ԵՎ ԱՄԵՆՕՐՅԱ ՀԱՄԱԶԳԵՍՏԸ

3.1. Տոնական գլխարկ՝ կիսաբրդյա, մուգ կապույտ գույնի

Բաղկացած է սև լաքապատ գլխարկահովհարից: Դեղին գլխարկաբլորքով, գլխարկաբլորքի վրա 2 ոսկեգույն կոճակով ամրացվում է ոսկեգոծ զարդապարան, առջևի կենտրոնական մասում ամրացված է 30 x 30 մմ կոկարդ՝ սույն ձևի նկար 2-ում ներկայացված խորհրդանշանով: Ճակատային մասում ամրացված է Հայաստանի Հանրապետության զինանշանը:

3.2. Տոնական կիտել՝ կիսաբրդյա

Մուգ կապույտ կիսաբրդյա կտորից, մետաքսյա աստառով: 4 ոսկեգույն, 22 մմ կոճակները տեղադրված են մեկ շարքով: 2 ներկարված գրպան՝ կափույրներով և 2 վրադիր գրպան՝ կափույրներով՝ կրծքավանդակին: 2 ծոցագրպան: Տոնական ուսանշանները՝ մուգ կապույտ՝ համաձայն 7.3-րդ կետի:

3.3. Տոնական տաբատ՝ կիսաբրդյա, մուգ կապույտ գույնի եզրագծերով

Կիսաբրդյա, մուգ կապույտ կտորից, 2 ներկարված կողային գրպանով, հետևի մասում մեկ գրպան՝ կափույրով:

3.4. Տոնական վերնաշապիկ՝ սպիտակ

Սպիտակ բամբակյա կտորից, ծալովի օձիքով, կրծքամասում կոճակով, կափույրով և շերտակարով վրադիր 2 գրպան: Կոճկվում է 8 կոճակով, թևքերը՝ երկար (ձմեռային) և կարճ (ամառային), ուսերին տեղադրված են ուսանշանների ամրակներ:

3.5. Տոնական համազգեստի փողկապ

Մուգ կապույտ գույնի, ոսկեգույն ամրակով:

3.6. Տոնական վերարկու՝ ձմեռային

Բրդյա, մուգ կապույտ գույնի, լանջափեշերը կոճկվում են 3 ոսկեգույն կոճակով: 2 գրպանը կափույրով՝ ներքևի մասում 2 ներկարված գրպանով: Երկշերտ օձիքով և գոտիով:

3.7. Տոնական համազգեստի շարֆ՝ կապույտ գույնի

Կապույտ կիսաբրդյա կտոր՝ 125 սմ x 24 սմ չափսի:

3.8. Ամենօրյա համազգեստ՝ փիրուզագույն (կանաչակապտագույն)

Կիսաբրդյա, ուղիղ գոտիով, ուսանշանները՝ հանովի, ծալովի օձիքով: Օձիքի առաջամասում երկկողմանի պատկերված է սույն ձևի նկար 2-ում ներկայացված խորհրդանիշը: Կոճկվում է շղթայով, որը երեսապատված է կտորով: Ներքևի մասում երկկողմանի ներկարված թեք գրպաններ են, առանց կափույրի, շղթայով:

Տաբատը՝ ազատթող փողքերով, 2 կողային ներկարված գրպանով, հետևի մասում մեկ գրպան՝ կափույրով:

3.9. Ամենօրյա համազգեստի շապիկ (մայկա)

Շապիկ՝ կարճաթև, ամառային, երկնագույն:

3.10. Գլխարկ՝ ամենօրյա, ամառային

Գլխարկ՝ ամենօրյա (կեպի), կանաչ, ճակատային մասում ամրացված է սույն ձևի նկար 2-ում ներկայացված խորհրդանիշը:

3.11. Ամենօրյա համազգեստի ականջակալներով ձմեռային գլխարկ

Մահուղից, բաղկացած է թասակից, ականջակալներից և ճակատային մասից (հովհար): Ականջակալները մշակված են ոչխարի արծաթագույն մորթուց:

3.12. Ամենօրյա համազգեստի ձմեռային բաճկոն՝ կարճ և տաբատ

Ձմեռային տաք ներդիրով փակվող երկկողմանի երիզաշղթայով կոճկվող ռեզինե գոտիով: Ձեռքերին ռեզինե լայն մանժետոներ: Օձիքը՝ լայն ամրակներով ամրացված հանովի գլխարկով: 2 կողային գրպանով: Ձախ թևի վրա կափույրով գրպան: Տաքատ՝ 2 ներկարված կողային գրպանով, ծակների վերևի մասում կափույրով 2 կոճակով ամրացվող գրպան: Հետևի մասում ներկարված է 2 կափույրով գրպան, որոնք ամրացվում են կոճակով:

3.13. Ամենօրյա ձմեռային համազգեստի օձիք

Արհեստական մորթուց մուգ կապույտ գույնի (հանովի):

3.14. Կաշեգոտի

50 սմ լայնությամբ, մետաղյա ճարմանդով:

3.15. Կոշիկ

Կարված է սև, բնական կաշվից:

3.16. Կիսաճտքավոր կոշիկ

Կարված է սև, բնական կաշվից, միջադիրը՝ բիազ կամ համանման:

3.17. Ձմեռային ամենօրյա երկարաթև սվիտեր

Կապույտ գույնի, բրդյա, ուսերը պատված են մուգ կապույտ կտորով, հանովի ուսանշաններով: Ձախ կրծքավանդակին շերտակարով վրադիր, կափույրով գրպան, կենտրոնում ոսկեգույն կոճակով: Օձիքը՝ սրտաձև կամ շրջանաձև բացվածքով:

3.18. Ձմեռային ամենօրյա կարճաթև սվիտեր

Կապույտ գույնի, բրդյա, ուսերը պատված են մուգ կապույտ կտորով, հանովի ուսանշաններով: Ձախ կրծքավանդակին շերտակարով վրադիր, կափույրով գրպան, կենտրոնում ոսկեգույն կոճակով: Օձիքը՝ շրջանաձև բացվածքով:

3.19. Ձեռնոց՝ տոնական և ամենօրյա

Տոնական ձեռնոց՝ հնգամատ, սպիտակ բամբակյա գործվածքից:

Ամենօրյա ձեռնոց՝ հնգամատ, փիրուզագույն խիտ բրոյա գործվածքից:

3.20. Կանացի կիտել՝ տոնական, և կիսաշրջագգեստ

Մուգ կապույտ կտորից, կիտելը՝ մեկեզրանի, օձիքը՝ ծալովի, թևքերը՝ երկկտոր:
Կիսաշրջագգեստը՝ պարզ ձևի, գոտիով, հետևի մասը՝ կենտրոնակարով և բաց դարձածալով»,

ե. ուժը կորցրած ճանաչել 4-րդ գլուխը,

զ. 5.1-ին կետում «մուգ կապույտ» բառերը փոխարինել «փիրուզագույն (կանաչակապույտագույն)» բառերով, իսկ «Հայաստանի փրկարար ծառայության խորհրդանիշն է» բառերը՝ «գրված է «ՄԻՆ» տառերը» բառերով,

է. հանել 5.2-րդ կետի «Կրծքամասը և թիկունքը՝ դեղին գույնի է, որի ներքևի եզրին կարված է 2 սմ լայնությամբ լուսարձակող սպիտակ ժապավեն» նախադասությունը,

ը. 5.7-րդ և 5.8-րդ կետերում «կապույտ կամ կարմիր» բառերը փոխարինել «փիրուզագույն (կանաչակապույտագույն)» բառերով,

թ. ուժը կորցրած ճանաչել 5.10-րդ և 5.14-րդ կետերը,

ժ. 5.11-րդ կետում «կապույտ» բառը փոխարինել «փիրուզագույն (կանաչակապույտագույն)» բառերով և կետից հանել «կարմիր գույնի» բառերը,

ժա. 5.11-րդ կետում «կարմիր» բառը փոխարինել «փիրուզագույն (կանաչակապույտագույն)» բառերով,

ժբ. 6.1-ին կետում «Հայաստանի փրկարար ծառայություն» բառերը՝ բառերը փոխարինել «ՄԻՆ» տառերը» բառերով,

ժգ. 6.5-րդ կետում «մուգ կապույտ» բառերը փոխարինել «փիրուզագույն (կանաչակապույտագույն)» բառերով,

ժդ. ուժը կորցրած ճանաչել 7.1-ին կետը,

ժե. 7.2-րդ կետի վերնագրում «Թևքի» բառը փոխարինել «Փրկարարական ծառայության ծառայողների համագլխատի թևքի» բառերով,

ժգ. 7.2-րդ կետի առաջին պարբերությունը շարադրել հետևյալ խմբագրությամբ.

«Փրկարարական ծառայության միասնական տարբերանշանը՝ վահանաձև, խորհրդանշում է Փրկարար ծառայությունը: Վերին մասում 12 տառատեսակով ասեղնագործված են «ՀԱՅԱՍՏԱՆ» և անգլերեն թարգմանությամբ՝ «ARMENIA» բառերը: Ստորոտում կամարաձև, 10 տառատեսակով ասեղնագործված են «ՓՐԿԱՐԱՐ ԾԱՌԱՅՈՒԹՅՈՒՆ» և անգլերեն թարգմանությունը՝ «RESCUE SERVICE» (նկար 1): Կարվում է ձախ թևքի վրա»,

ժե. 7.2-րդ կետի երկրորդ պարբերությունում «(նկար 3)» բառերը փոխարինել «(նկար 2)» բառերով,

ժը. 7.3-րդ կետը շարադրել հետևյալ խմբագրությամբ.

Ձ7.3. Ուսանշաններ

Փրկարարական ծառայության գեներալների մուգ կապույտ վերին հատվածն ամրացված է Հայաստանի Հանրապետության զինանշանի պատկերով՝ 22 մմ տրամագծով մեկական կոճակով: Ուսանշանների կենտրոնում ամրացված են 22 մմ տրամագծով աստղեր, ընդ որում, գեներալ-լեյտենանտի համար երկու աստղ (իրարից 25 մմ հեռավորությամբ), իսկ գեներալ-մայորի համար՝ մեկ աստղ: Համագլխատի օձիքի դիմային մասում ուղղահայաց ասեղնագործված է դափնու տերև:

Գլխավոր, ավագ, միջին և կրտսեր պաշտոնյաների մուգ կապույտ տոնական ուսանշանների վերին հատվածն ամրացված է սույն ձևի նկար 3-ում ներկայացված կոկարդի պատկերով մեկական ոսկեգույն կոճակով, 3 մմ լայնությամբ երկայնակի կապույտ գույնի ժապավեններով: Տոնական համագլխատի ուսադիրների վրա տեղադրված են հնգաթև ուռուցիկ աստղեր՝ համաձայն N 1 աղյուսակում նշված չափսերի և քանակի.

Աղյուսակ N 1

Փրկարարական ծառայության կոչումը	Ոսկեգոյն անկյունային ժապավենի հաստությունը/աստղերի տրամագիծը (մմ)	Ոսկեգոյն անկյունային ժապավենների/աստղերի քանակը (հատ)	Անկյունային ժապավենների միջև հեռավորությունը (մմ)	Ոսանիչի վերին կենտրոնական եզրից մինչև կոճակն ընկած տարածությունը (մմ)
Գներալ-լեյտենանտ	0/22	0/2		
Գներալ-մայոր	0/22	0/1		
Գնդապետ	5/20	3/3	2	7
Փոխգնդապետ	5/20	2/2	2	7
Մայոր	5/20	1/1	2	7
Կապիտան	3/13	4/4	1	7
Ավագ լեյտենանտ	3/13	3/3	1	7
Լեյտենանտ	3/13	2/2	1	7
Ավագ ենթասպա	2/13	3/3	3	7
Ենթասպա	2/13	2/2	3	7

Ամենօրյա համազգեստի կանաչ ուսանշանների մակակարի ստորին մասում կարվում են ոսկեգոյն անկյունակային ժապավեններ (գնդապետ, փոխգնդապետ, մայոր, կապիտան, լեյտենանտներ)՝ երիզված կապույտ թելով, քանակով և 3 մմ հաստությամբ կապույտ երկայնակի ժապավեններ, իսկ ժապավենների վերին մասում ամրացվում են աստղեր՝ ըստ կոչման և սույն կետի N 1 աղյուսակում ներկայացված քանակի: Փրկարարական ծառայության ենթասպաների ամենօրյա համազգեստի ուսանշանների մակակարի ստորին մասում կարվում են 30 աստիճան թեքությամբ ոսկեգոյն ժապավեններ՝ երիզված կապույտ թելով:

Աղյուսակ N 2

Փրկարարական ծառայության կոչումը	Ոսկեգոյն անկյունային ժապավենի հաստությունը/աստղերի տրամագիծը (մմ)	Ոսկեգոյն անկյունային ժապավենների/աստղերի քանակը (հատ)	Արտաքին կապույտ երիզի հաստությունը (մմ)	Անկյունային ժապավենների միջև հեռավորությունը (մմ)	Ոսանիչի վերին կենտրոնական եզրից մինչև կոճակն ընկած տարածությունը (մմ)
Գներալ-լեյտենանտ	0/22	0/2			
Գներալ-մայոր	0/22	0/1			
Գնդապետ	5/20	3/3	2	2	7
Փոխգնդապետ	5/20	2/2	2	2	7
Մայոր	5/20	1/1	2	2	7
Կապիտան	3/13	4/4	3	1	7
Ավագ լեյտենանտ	3/13	3/3	3	1	7
Լեյտենանտ	3/13	2/2	3	1	7
Ավագ ենթասպա	2/13	3/3	2	3	7
Ենթասպա	2/13	2/2	2	3	7

Փրկարարական ծառայության ավագ սերժանտ, սերժանտ, կրտսեր սերժանտ և շարքային կոչումներ ունեցող ծառայողների կանաչ, կապույտ երիզներով ուսադիրների վրա կարվում են դեղին ժապավեններ.

Աղյուսակ N 3

Փրկարարական ծառայության կոչումը	Ուսադիրների վրայի ժապավենների քանակը	Ուսադիրների վրայի ժապավենների լայնությունը (մմ)	Ուսադիրների երկարությամբ ժապավենների միջև ընկած տարածությունը (մմ)	Ուսադիրների ստորին եզրից մինչև ժապավենն ընկած տարածությունը (մմ)
Ավագ	1	14	-	-
Ավագ սերժանտ	1	14		
Սերժանտ	3	4	2	25
Կրտսեր սերժանտ	2	4	2	25
Շարքային	-		-	-

Փրկարարական ծառայության ուսադիրների երկարությունը 130 մմ է»,

ժթ. 8-րդ գլխի վերնագրում և 8-րդ գլխի ամբողջ տեքստում «պետական հրդեհային» բառերը փոխարինել «Հայաստանի Հանրապետության արտակարգ իրավիճակների նախարարության աշխատակազմի պետական հրդեհային և տեխնիկական անվտանգության» բառերով,

ի. 8-րդ գլխի 8.2-րդ կետում «և IV գլուխներով» բառերը փոխարինել «գլխով» բառով,

իա. 8-րդ գլխի 8.3-րդ կետում «Հայաստանի փրկարար ծառայության» բառերը փոխարինել «Հայաստանի Հանրապետության արտակարգ իրավիճակների նախարարության» բառերով,

իբ. 8-րդ գլխի 8.4-րդ կետը շարադրել հետևյալ խմբագրությամբ.

Ձ4. Աշխատողների կիտելի (ամենօրյա համազգեստի) ձախ թևքին ամրացվում է Հայաստանի Հանրապետության արտակարգ իրավիճակների նախարարության խորհրդանիշը, իսկ աջ թևքին՝ Հայաստանի Հանրապետության արտակարգ իրավիճակների նախարարության աշխատակազմի պետական հրդեհային և տեխնիկական անվտանգության տեսչության թևանշանը (նկար 3):

Նկար 3-ում ներկայացված թևանշանը Հայաստանի Հանրապետության արտակարգ իրավիճակների նախարարության աշխատակազմի պետական հրդեհային և տեխնիկական անվտանգության տեսչության պաշտոնական խորհրդանիշն է:

Թևանշանը վահանաձև է, բարձրությունը՝ 100 մմ, լայնությունը՝ 75 մմ:

Թևանշանի միջնամասում պատկերված է վահան: Վահանի ստորին հատվածում առկա է 9 մմ լայնությամբ կարմիր ժապավեն, որի վրա 2,5 մմ բարձրությամբ, սպիտակ տպագիր տառերով գրված է «Պետական հրդեհային և տեխնիկական անվտանգության տեսչություն»: Վահանի ներքևի կեսն զբաղեցնում է եռագույնը՝ կարմիր, կապույտ և նարնջագույն՝ 4 մմ լայնությամբ շերտեր, որոնց անմիջապես վերևում 3 մմ բարձրության վրա ոսկեգույն, տպագիր տառերով գրված է «Հայաստան», դրա վերևում պատկերված են հրշեջի սաղավարտ (անմիջապես վահանի վրա), իսկ վերնամասում, վահանի կողքերից (վահանից դուրս) և վահանի առանցքի նկատմամբ զուգաչափ՝ 2 հրշեջ կացին: Վահանի մեջտեղով, ուղղահիգ, պատկերված է սուր:

Թևանշանի ֆոնը կապույտ է, եզրագծերը, «ՄԻՆ» տառերը, արծիվը՝ վառ ոսկեգույն է: Կացինների և սրի մետաղական մասերը բաց և մուգ գորշ գույնի են, իսկ մնացած մասերը՝ սև: Վահանի ներսի մասը բաց գորշ է»,

իգ. 8-րդ գլխի 8.5-րդ կետում «(նկար 6)» բառերը փոխարինել «(նկար 4)» բառերով,

իդ. 9.1-ին կետը շարադրել հետևյալ խմբագրությամբ.

Ձ1. Սույն գլխում ներկայացվում են համազգեստի և համազգեստի տարրերի նկարները.

ա) Փրկարարական ծառայության ծառայողների համազգեստի թևքի տարբերանշանն է՝



Նկար 1:

բ) Փրկարարական ծառայության ծառայողների համազգեստի խորհրդանշաններն (էմբլեմներ) են՝



Կոճակներ 22մմ,
ոսկեգույն



Կոճակներ 14մմ,
ոսկեգույն



Կոկարդ գլխարկների համար՝
35 x 35մմ


Նկար 2:

գ) Հայաստանի Հանրապետության արտակարգ իրավիճակների նախարարության աշխատակազմի պետական հրդեհային և տեխնիկական անվտանգության տեսչության ծառայողների համազգեստի թևանշանն է՝



Նկար 3:

դ) Հայաստանի Հանրապետության արտակարգ իրավիճակների նախարարության աշխատակազմի պետական հրդեհային և տեխնիկական անվտանգության տեսչության ծառայողների համազգեստի թևքին փակցվող տարբերանշաններն են՝



Նկար 4:

ե) Փրկարարական ծառայության ծառայողների համազգեստի ձևն է՝



Տոնական համազգեստ՝ գեներալների համար


Ամենօրյա համազգեստ՝ գեներալների համար



Տոնական համազգեստ՝ փրկարարական ծառայողների համար



Տոնական համազգեստ՝ փրկարարական ծառայողների համար



Տոնական համազգեստ՝ իգական սեռի փրկարարական ծառայողների համար





Ամենօրյա ամառային համազգեստ՝ փրկարարական ծառայողների համար



Ամենօրյա համազգեստ՝ փրկարարական ծառայողների համար





Ամենօրյա ձմեռային համազգեստ՝ փրկարարական ծառայողների համար

զ) Փրկարարական ծառայության ծառայողների գլխարկների և փողկապների ձևն է՝



Ձմեռային գլխարկ՝ փրկարարական ծառայության բարձրագույն խմբի պաշտոն զբաղեցնող ծառայողների համար



Ձմեռային գլխարկ՝ փրկարարական ծառայության գլխավոր, ավագ, միջին խմբերի պաշտոններ զբաղեցնող ծառայողների համար



Տոնական



Ամենօրյա



Փողկապ փրկարար ծառայության գեներալների համար



Փողկապ փրկարար ծառայության գլխավոր, ավագ, միջին և կրտսեր խմբերում պաշտոններ զբաղեցնող ծառայողների համար

իև. որոշման N 2 հավելվածը շարադրել նոր խմբագրությամբ՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Տ. ՍԱՐԳՍՅԱՆ

2013 թ. հունվարի 25
Երևան

Հավելված
 ՀՀ կառավարության 2012 թվականի
 դեկտեմբերի 27-ի N 1689 - Ն որոշման

«Հավելված N 2
 ՀՀ կառավարության 2006 թվականի
 փետրվարի 2-ի N 249 - Ն որոշման

ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՀԱՄԱԶԳԵՍՏ ՏԱԼՈՒ ԿԱՐԳԸ ԵՎ
 ՕԳՏԱԳՈՐԾՄԱՆ ԺԱՄԿԵՏՆԵՐԸ

1. Սույն իրավական ակտով կանոնակարգվում են փրկարարական ծառայողներին համազգեստ տալու կարգը և համազգեստի օգտագործման ժամկետները:

2. Փրկարարական ծառայության բարձրագույն կոչումներ ունեցող ծառայողների համազգեստ կրելու ժամկետներն են՝

NN ը/կ	Անվանումը	Քանակը՝ մեկ մարդու համար (հատ)	Կրելու ժամկետը (տարի)
1.	Տոնական համազգեստ՝ - կիսաբրդյա գլխարկ. - կիսաբրդյա կիտել՝ տաբատով. - ձեռնոց	1-ական հատ	5-ական տարի
2.	Տոնական համազգեստի ձմեռային գլխարկ	1	5
3.	Սպիտակ վերնաշապիկ՝ տոնական համազգեստի համար	1	2
4.	Բրդյա վերարկու՝ տոնական համազգեստի համար	1	4
5.	Տոնական համազգեստի ուսադիր	2	4
6.	Փողկապ՝ տոնական համազգեստի համար	1	5
7.	Գոտի	1	5
8.	Կոշիկ	1 զույգ	2
9.	Ամենօրյա համազգեստ՝ փիրուզագույն (կանաչակապտագույն)	1	1
10.	Ամենօրյա փիրուզագույն (կանաչա- կապտագույն) համազգեստի ձմեռային բաճկոն և գլխարկ	1-ական հատ	3-ական տարի
11.	Ամենօրյա փիրուզագույն (կանաչա- կապտագույն) համազգեստի ուսադիր	2-ական հատ	2-ական տարի

3. Թույլատրվում է սույն կարգի և ժամկետների 2-րդ կետով սահմանված կարճաթև վերնաշապիկը փոխարինել երկարաթև վերնաշապիկով և հակառակը:

4. Փրկարարական ծառայության կրտսեր լեյտենանտից մինչև գնդապետ կոչումներ ունեցող արական և իգական սեռերի ծառայողների համազգեստ կրելու ժամկետներն են՝

№/կ	Անվանումը	Քանակը՝ մեկ մարդու համար (հատ)	Կրելու ժամկետը (տարի)
1.	Տոնական համազգեստ՝ - կիսաբրոյա գլխարկ. - կիսաբրոյա կիտել՝ տաբատով (իգական սեռի ծառայողների համար՝ կիսաշրջազգեստով). - ձեռնոց	1-ական հատ	յուրաքանչյուրը՝ 5-ական տարի
2.	Սպիտակ վերնաշապիկ՝ տոնական համազգեստի համար՝ -կարճաթև. -երկարաթև	1-ական հատ	յուրաքանչյուրը՝ 2-ական տարի
3.	Տոնական համազգեստի համար՝ - բրոյա վերարկու. - շարՖ	1-ական հատ	յուրաքանչյուրը՝ 5-ական տարի
4.	Տոնական համազգեստի համար՝ - փողկապ. - կաշեզոտի	1-ական հատ	յուրաքանչյուրը՝ 5-ական տարի
5.	Տոնական համազգեստի ուսադիր	2-ական հատ	յուրաքանչյուրը՝ 4-ական տարի
6.	Կոշիկ	1 գույգ	2
7.	Կիսաճտքավոր կոշիկ	1 գույգ	2
8.	Ձմեռային ամենօրյա սվիտեր (երկարաթև կամ կարճաթև)	1	3
9.	Ամենօրյա համազգեստ՝ փիրուզագույն (կանաչակապտագույն)	1	1
10.	Ամենօրյա փիրուզագույն (կանաչակապտագույն) համազգեստի՝ - ձմեռային բաճկոն. - ձմեռային գլխարկ	1-ական հատ	յուրաքանչյուրը՝ 4-ական տարի
11.	Ամենօրյա համազգեստի մայկա (կապույտ)՝ - առանց օձիք. - օձիքով	1-ական հատ	յուրաքանչյուրը՝ 1,5-ական տարի
12.	Ամենօրյա համազգեստի ուսադիր	2	3

5. Թույլատրվում է սույն կարգի և ժամկետների 4-րդ կետով սահմանված՝

- 1) կարճաթև վերնաշապիկը փոխարինել երկարաթև վերնաշապիկով և հակառակը.
- 2) կիսաճոքավոր կոշիկները փոխարինել կոշիկներով և հակառակը.
- 3) տոնական համազգեստ հատկացնել դրոշակակիր, գծային, նվագախմբի անդամ և հանդիսավոր արարողությունների մասնակից կրտսեր կոչում ունեցող ծառայողներին:

6. Սույն կարգի և ժամկետների 4-րդ կետով սահմանված համազգեստը կրելու ժամկետները տարածվում են նաև Հայաստանի Հանրապետության արտակարգ իրավիճակների նախարարության աշխատակազմի պետական հրդեհային և տեխնիկական անվտանգության տեսչության ծառայողների վրա:

7. Փրկարարական ծառայության կրտսեր կոչումներ ունեցող ծառայողների համազգեստ կրելու ժամկետներն են՝

NN ը/կ	Անվանումը	Քանակը՝ մեկ մարդու համար (հատ)	Կրելու ժամկետը (տարի)
1.	Ամենօրյա համազգեստ՝ փիրուզագույն (կանաչակապտագույն)	1	1
2.	Ամենօրյա համազգեստի ձմեռային բաճկոն՝ փիրուզագույն (կանաչակապտագույն)	1	3
3.	Ամենօրյա համազգեստի մայկա (կապույտ)՝ - առանց օձիք. - օձիքով	1-ական հատ	յուրաքանչյուրը՝ 1-ական տարի
4.	Ամենօրյա համազգեստի ձմեռային գլխարկ	1	3
5.	Փրկարարի տաբատ-կիսաբաճկոն՝ կիսաերկար	1 լրակազմ	2
6.	Փրկարարի տաբատ-բաճկոն՝ կարճ	1 լրակազմ	2
7.	Փրկարարի կիսակոմբինեզոն	1	2
8.	Փրկարարի՝ - կիսաճոքավոր կոշիկ. - սպորտային կոշիկ	1-ական զույգ	յուրաքանչյուրը՝ 1-ական տարի
9.	Փրկարարի երկարաճիտք կոշիկ՝	1	2
10.	Փրկարարի ժիլետ առանց թևերի	1	3
11.	Տաբատ կամ կիսատաբատ	1	1

8. Փրկարարական ծառայության ծառայողների հատուկ (պաշտպանիչ) համազգեստ կրելու ժամկետներն են՝

NN ը/կ	Անվանումը	Քանակը՝ մեկ մարդու համար (հատ)	Կրելու ժամկետը (տարի)
1.	Պաշտպանիչ՝ հրակայուն, ջրակայուն համազգեստ	1	5
2.	Զրասուզակի համազգեստ	1	5
3.	Քիմիական, մանրէաբանական և այլ ախտահարման օջախներում աշխատելու համար պաշտպանիչ համազգեստ	1	5

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ